

Onisiny 17

1. Sedh hidhle yabka, Kayin hidhle dietka shuneka hate `die?

-Gaal Waa`g met ma kekeminya burnedhe.

-Gaal Satan meta kekenka burnedhe.

2. Waa`g gaalat `deeny hi geycheka, war kud tigide tomon eiy naama takama chie. Gaalat `jig Waa`g met ma kekeminya, Waa`g hate hi koyo?

-Waa`g kufacho hi ki mu`da.

3. Waa`g hate gaalat gedicha?

-Waa`g Him Naasanle gaalat gedicho.

4. Waa`g Him Naasanle gaalat meete gedicha?

-Waa`g Him Naasanle gaalat hi Waa`g meta keken, hai Satan meta gaa kekeminy, chiedhe, gedicha.

-Waa`g Him Naasanle gaalat girich Waa`g elga vere, hai girichle hai naan, chiedhe, gedicha.

5. Waram Nowaka, gaalat af kinaala hate onoy?

-Mi takamle wol tab`do`dodho.

-He il`doro `guo.

-Gaal hi tag `deew.

-He korom `guo.

-He Waa`g girichle ma fe`diny.

-Girichle takama nanaatka fe`de.

6. Waa`g he gaalat adable argiye?

-Ii, Waa`g he adab hatle wol ka eiyka argiye.

7. Les `daa giri adab koch chieka, Waa`g meete tagnaniya mu`de?

-Les `daa giri adab koch chieka, Waa`g lesala hi `du ijo sidh guoka, he lulle mi badisoka mi mure.

8. Waa`g Nowa bibisichoka mu`dela `daa mare?

-Nowa hat adab ki dallidheka he og.

-Nowa hat Waa`g adab tagniyeka he og.

-Nowa adab lulle hat Waa`g kufach ki mu`duwa he og.

-Nowa Waa`g takama bibisichoka he og.

-Nowa adable gaa bebena, maa bisachiet Waa`g he ale `du gaa kakayoka he og.

9. Waa`g Nowa meete tagnanoka geyche?

-Waa`g nowa kadich tagnanoka geyche.

10. Waa`g Nowa geycheka, Nowa kadich hadle fe`doko tagnana?

-He muniny.

11. Waa`g Nowa kadich hat tagnano fe`doka hat mare?

-Hat Waa`g hi mi geycheka.

12. Waa`g Nowa kadich mia tagna he chie?

-Kadich tigid takama.

13. Waa`g Nowa kadich kar af mia tagna chie?

-Kar tigide takama.

14. Kisotika gaalat ir ma arginy ubaa moyita, ta Nowa meete og?

-Waa`g bie les ugunanka ale gaa kakaya.

15. Nowa kadich tagnaniyeka, he eiy taaka meete mi tagnaniye?

-Nowa kadich tagnaniyeka, gaalat hi murit Waa`giet mi gedia.

-Nowa kadich tagnaniyeka, gaalat Waa`g ii yegetka mi gedia.

-Waa`g gaal hi ii ma yegena, lulle bie ha ugunma chie, Nowa geycha.

-Waa`g he taga yu nana chieka, he in a ka bada?

-He in ma ka badany.

-Waa`g he taga yu nana chieka, bar lulle tag hai naniya?

-Ii.

-`Dee tigid ba yu ka gey.

-Kulich tigid veel kicho ibil hai yiese.

-Itin veel kicho ha in ki lodhono.

-Veel kicho waasia hai yu ki mura hi chiedhe.

-Waasia veel kicho he ki muritle ino hi ka bada.

-Waasia veel kicho hat ibil yieska ino hi ka badai.

-Waa`g in hate gaalat muniny.

-Gaalat in, he ino hi ki bada, Waa`g in he ma ka badany.

-Waa`g Adam `guor umle koyka hat kufunana geyche.

-Adam `guor umle koyka hai kufe?

-Ii.

-Waa`g `deeny Adam geycheka he inka bada?

-He muniny.

-Waa`g he taga yu nana chieka, he tagniye?

-Ii.

-Waa`g Adam ubaa Hewan Eden gaa ariye.

-Waa`g hat gaalat muniny.

-Waa`g he taga yu nana chieka, bar lulle he in ma ka badany.

-Waa`g he taga yu nana chieka, bar lulle tag hai naniya.

-Waa`g he adab hi in ma ka badany.

-Waa`g he adab he ki mu`duwa he in ma ka badany.

-Waa`g he adab hatle wol ka eiye, hai ki mu`da.

-Waa`g he adab hatle wol ka eiye, kufach hai ki mu`da.

-Waa`g gaalat `dab mi in ii yegetka hai egete.

-Waa`g Nowa waramle galaat mi in ii yegetka, `dab mare mi gaa ese?

-Waram kud tigid tomonam eiy naama.

-Waa`g `dab gaalat ii yeget egetoka gaal in adable ki loleka, lol le he eiy mu`de?

-He eiy ma muriny.

-Waa`g `dab gaalat ii yeget egetoka gaal in adable ki loleka, lol le af `du fafiye gudandhe.

-Waa`g adab lol le ki loleka af `du afiye gudandhe.

-Waa`g adab hi muritle ki mu`doka, `dab he ka `jabaneta lol le af `du fafiye gudandhe.

-Nowa kadich tagniye beteka, waasel Waa`g Nowa meete geycha?

Erkob 7:1-4 ki toyo

1-Aale kadich dueka Yoowa Nowa gey, kieye, kun ubaa umku lulle kadich hilaa. Gaal kulichalola yu argeka kun takama gierich `duwaka gaa igi`da.

2-Aale kulich higiloka, aany ubaa bine yu ii yie, gaali ye sour ki `ga`galoka he yaab ubaa he `diet titiya ka shuno. Aale aany ubaa

bine yu ii ma yeen, gaali ye sour ma ki `ga`galinyka ubaa he yaab ubaa he `diet taat shuno.

3-Kimir he yaab ubaa he `diet titiya uba ka shuno, giri afetika les `dug ki `gisat, hol hodichoka.

4-Ram tiya kachimetala ir gudoka ha yu ka hadia, ir chure ubaa kulichle ran tomonam afur me les hai gaa verene. He lulle luogol yu les ka koy, les me gogoka `du seseenka ha yu bedita, Waa`g hi chie.

-Nowa kadich tagniye beteka, waasel Waa`g Nowa meete tagna chie, geyche?

-Waa`g Nowa ubaa gaal le kadich yila chie, geyche.

-Waa`g Nowa bine ubaa he kadich yilo chie, geyche.

-Waa`g af he gaalat badasicha bii le ka beye.

-Waa`g gaalat badasichoka fe`dola `daa mare?

-Gaalat `daa giri adable ii ma yegen.

-Gaalat `daa giri adable kufach biyoka yigiloka, ii ma yegen.

-Gaalat hat Waa`g takama hi bisichoka, ii ma yegen.

-Gaalat Waa`g maa bisachiet ale gaa kakayoka, ii ma yegen.

-Gaalat in gerichle ha duo, girich Waa`giet takama nanaatka, war kud tigde tomonam eiy naama mi gaa ese.

-Gaalat in girichle takama nedhe.

-Waa`g war ku`d tigde tomonam eiy naama gaa ete.

-Waa`g he warram heela af `datiya ma egesiny.

-Waa`g af gaalat ki mu`doka, bii le ka beye.

-Kulich heela Waa`g ubaa ataala.

-Gaalat in girichle ha duo, girich Waa`giet takama nanaatka mi fe`de.

-Kulich tigid Waa`g esiny gaal egetoka hai hadicha.

-Kulich tigid Waa`g gaalat lulle he hai ki mu`da.

Erkob 7:7-11 ki toyo

7-Nowa ubaa hehele, minle, ta `deg hehele `daa giri bie les ugunanka kadich hile.

8-9-Aany ubaa bine giri Waa`g hi ii chie, gaali suor `ga`galoka, ta aany bine Waa`g hi ii ma cheen, gaali sour ma `ga`galinyka, ta kimir ubaa guur, hat Waa`g hi Nowa geycheka, nanam, he yaab ubaa he `diet, kadich Nowa hi gaa ijeka hile.

10-Ram tiya, Waa`g hi hoteka `giteka ir ka tune, bie ka fame.

11-Nowa waram hi kud le, `guiyam eiy naama, ta ram tomon a tiya yieka, bie les geer gaa ijeka les ka lay. Waa`g ur af fu`de, ir ka hayche.

-Nowa ubaa gaal le kadich `daage he gaa yile?

-Kar giri tigdeka.

-Bine lulle kadich `daage he gaa yile?

-Kar giri tigdeka.

-Kar bisachiet, heela takama.

-Kar heela takama Waa`g hi muritle ki in ka deeme.

-Waa`g Nowa bisichela `daa giri mi maa midhaba?

-He muniny.

-Waa`g Nowa bisichela, Nowa adable he ii yie.

-Waa`g Nowa bisichela, Nowa adable hi muritle kufach biyo mi ii yieka.

-Waa`g Nowa bisichela, Nowa Waa`g hat gaalat bisichoka mi ii yie.

-Waa`g Nowa bisichela, Nowa hat maa bisachiet Waa`g ale gaa kakayoka, ii yie.

-Nowa ubaa gaal le, ta bine, kadich yileka, waasel hate `diye?

Erkob 7:16b ki toyo

16-Aale Yoowa kadich af gaa koy.

-Nowa ubaa gaal le, ta bine, kadich yileka, waasel Waa`g meete tagniye?

-Waa`g kar af gaa koye.

-Waa`g kar af gaa koyela `daa mare?

-He kadich gaa ijoka hi bisach argo.

-He bad ijoka, hai ka yilin, hi kufo.

-Gaal bad ijoka buoyka, Nowa kar af furoka he uro?

-He ma uriny.

-Hate ma uriny?

-Waa`g `daa giri kar af gaa koyeka.

-Waa`g Adam ubaa Hewan Eden gaa ariyeka, waasel, gaal wol ka nanaat Eden yigiloka he uro?

-He ma uriny.

-Hate ma uriny?

-Keyieka Waa`g Eden kar af le gaa koye, ubaa mi maa le gaso orof bolonka `guoka mi kar af gaa idiye.

-He Waa`g hi muritle inka `den uroka he bii gaa ijo?

-He man.

-Waa`g gaalat hi ki mu`do mu`deka he maa nini hi inka `denka he man.

-Waa`g kadich karle af gaa koyeka, waasel ir ka haije.

Erkob 7:17-20 ki toyo

17-18-Ir ram tomonam afur gaa tune, bie les une, bie sum les gaa kie, kadich ur ki eey, kadich hi `dug gaa tare.

19-20-Bie gaa muu`gandhe, gumano lulle `de`derka ubaa `di`disie. Gumano me `dug ta bie `dable he `doyka he yaaw sed nyuore.

-Hate yie Waa`g bie bii lulle ugunanka u`da?

-Waa`g erkoba bie wol af eiy gaa tiye.

-Waa`g bie toom eiy gidiche. `Daa tigid ur idiche, `daa tigid mi les ki haiche.

-Bie bii lulle uneka, bie giri ur Waa`g hi idijeka lulle mi ki hai, ka tune.

-Kisotia ir tutuneka gaalat hi arge?

-He ma arginy.

-Kisotia gaalat ir tutuneka ma arginyela, Waa`g in ram tomonam afurka ir gaa haiche, ir tune.

-Bii lulle bie hi une.

-Waar `de`deerka ubaa lulle bie hi une.

-Waa`g he lulle u`da.

-Waa`g he ki adatka man.

-Maa he lulle uroka Waa`g takama.

-A met he kadich gaa `giteka lulle hate `diye?

Erkob 7:21-23 ki toyo

21-He met lulle luogol, les ki `giteka, kimire, aany, bine, ubaa guure, ta gaalat lulle kufe.

22-He lulle him nannuo, les me gogoka `du ijeka kufe.

23-Hatala in Waa`g he lulle luogol, les gaa ijeka, galaat, aany, bine, guure, ta kimir besete, lulle me hi `gidhe. Nowa ubaa umle hol kadich af ijeka takama kar `doy.

-Bine lulle kadich gaa `giteka hate `diye?

-Lulle kufe.

-Gaalat kadich gaa `giteka lulle hate `diye?

-Lulle kufe.

-Kulich heela gaal burneyka hat adab `guoka he ii ma yegen.

-Kulich heela gaal burneyka hat adable kufach biyoka argiroka he ii ma yegen.

-Kulich heela gaal burneyka hat Waa`g takama hi adab gaa bisichoka he ii ma yegen.

-Kulich heela gaal burneyka Waa`g hat maa bisachiet ale gaa kakayoka he ii ma yegen.

-Kulich heela gaal burneyka Satan ii yie, he Waa`g ii ma yegen.

-Kulich heela gaal burneyka adable tagnanoka he giel.

-Ta itini, hat gaal giri burneyka, ta hat Nowa?

-He kadich gaa `giteka he bisach argeka he gaa ijo?

-He man.

-Waa`g kadich gaa `giteka lulle hai kufuma chie, geyche.

-Waa`g he taga yu nana chietka, bar lulle tag hai naniya.

-Gaal kadich gaa `giteka lulle kufeka, waasel Waa`g meete tagniye?

Erkob 8:1-4 & 14-19 ki toyo

1-Aale Waa`g Nowa ubaa bine lulle baadiet, ta aany e gere, mu hol kadich af ijeka, he hi in ma ka badany. Waa`g wanich ka hayche, giri bie les `daranka.

2-Bie les gaa fefemeka, ubaa ir ka tutuneka Waa`g hi ali koye.

3-4- Bie giri les uneka noguol gey. Ameenye bie les er suoyka ram he kid tigde, tomon eiy chen chie, `guiy ki tiyaka ramle tomon a tiyaka kadich gum Ararat `gun tigid `dug chi`de.

14-Aale `guiy ki naamaka, ramle tomon naama a tiyaka les hat `dabaanka gogoye.

15-16-Aale Waa`g geyche, kieye, kuni, minku, heleku, ta heleku `degle kadich ye `gaa `dee.

17-He lulle luogol, hi hol kadich af ideka, yie `deesh. Kimir, bine baadiet, aany, ta guur hi hol hoyo, hi les koch yeet, Waa`g hi chie.

18-Aale Nowa ubaa hele, minle ta `deg helele kadich ye gaa `die.

19-Aale he met lulle les `dug `du seseenka, bine, aany, guure, ta kimirle `guoka, hatle hol ki ee egka, kadich ye gaa `die.

-Waa`g he kadich ger gaa ijeka, Nowa ubaa umle tab`dote.

-Waa`g ir ale koye, wanich les gogoswa mi ale gaa kai.

-Gaal taat kieye wanich ubaa irle `dor he wol gaa sisidha.

-Heela wodho.

-Wanich ubaa irle he tagniyeka Waa`g takama.

-Wanich ubaa irle `jjiale Waa`g takama.

-Waa`g Nowa ubaa gaal le kadich ger gaa ijeka ini `de`dene.

-Waa`g bine kadich ger gaa ijeka ini `de`dene.

-He kadich ger gaa ijeka, hi gaa kufeka, he gaa ijo?

-He man.

-Waa`g Nowa ubaa umle hat bisichoka geyche.

-Waa`g he taga yu nana chietka, bar lulle tag hai naniya.

-Nowa kadich ye gaa `diyeka, waasel, meete tagniye?

Erkob 8:20-22 ki toyo

20-Nowa kub waaro, sour `galanka Yoowa ki `disse. Aale aany ubaa bine Waa`g hi ii chie, ta kimir Waa`g hi ii chie, gaali sour `ga`galoka mui ka shune, mu sour gaali `dunmayoka Waa`g ki `gale.

21-Aale Yoowa rinych usle hi ki `dodhe, gerle li tawue, kieye, gaalat `daalle `dugaka yaa ged les he ma ki ekemeny, ubaa kaana gaal tawunyle bii nigentiti gaa `deenenyka. Yaa ged he ekeyala ma ekemeny, he met lulle luogolka ma bedisan.

22-Les hatle ali idola, hatala hai `deenne: `Guom ha gaali fafaa, `guom ha gaali muu`da. `Deeny hai ka naniya, bii hai gaa kakada. Af irietka ubaa af marietka ali hai ki `deeme. Kulich ubaa churele taale he ma bebeny, Yoowa hi yie.

-Nowa `daa giri Waa`g he bisicheka gere gaa meedhe, Waa`g shicho shie.

-Waa`g Nowa shichole hate yie ete?

-Nowa `daa giri Waa`g ii yieka.

-Nowa girichle hai, `daa giri girich Waa`giet elga vereka.

-Bine fasle he Nowa adable yie`diy?

-He yie ma `diny.

-Bine fasle Nowa adable hi muritle hat kufach biyoka hibisiya.

-Nowa shicho Waa`g shieka waasel Waa`g meete tagniye?

Erkob 9:1-3 ki toyo

1-Waa`g Nowa ubaa hele `du `gunuane, kieye, `dala, hol hoyie, les koch yiedhie.

2-He lulle les `dug `du seseenka, hat kaana bine, kimire, ta beeny bas gaa ojoka hai kiadha, sierm hai faana, lulle gil gerkicha gaa ija.

3-Hat giri yu hi `guom ka higitoka ka shieka, he met lulle luogol, les `dug seseenka ubaa `guomkicho hai yedhe.

-Waa`g Nowa ubaa gaal le `du `gunuane.

-Waa`g bine lulle, ta bech lulle, ubaa kimire, Nowa ubaa gaalat lulle `jjiale woyeche.

-Waa`g Nowa tiel tigid shiche.

Erkob 9:8 & 11-13 ki toyo

8-Waa`g Nowa ubaa helele hol af ijeka geyche, kieye,

11-He yu hi af idimuoka heella: he met lulle luogolka ged yaa bie ma ki bedisan. Bie ubaa he ged les lulle er ma sorominy, Waa`g hi chie.

12-Waa`g gedi kieye. Hedh yu hi itin ubaa he met lulle luogolka ka shiguoka he chala. Hedh kinaala `deeny yu hi af idimuoka hedhle. Hatkicha hi hol ha hodichaka, taale biyo afo yu hi idie.

13-Yaa chalachu ir gaa kaay. He kinaala `deeny yu les af idieka hedhle.

-Waa`g Nowa ubaa gaalat lulle tiele shicheka meete?

-Chala iriet.

-Chala iriet in tiel mare?

-Chala iriet he bie bii lulle ma ugunminyka he gaa argisinya, he Waa`g tiele.

-Waa`g get bie bii lulle ma ugunminyka, hat mi wodheka, he mi tagniye?

-Ii.

-Af giri Nowaka, waasel, Waa`g he bii lulle gaa ijoka he bie ma `du gaa rusiny, ma badisiny.

Erkob 9:18-19 ki toyo

18-Hele Nowa kadich ye gaa `dieka Shem, Ham, ta Yafedh. Ham waaseloka Kanaan `dale.

19-Nowa helele sedeela in gaalat les gaa ijola lulle ka hoy.

-Lul kuno ki les heela gaa ijola, `jiakuna Nowa umle mi gaal yia?

-Shem, Ham, ubaa Yafedh.